

AKHBAR : BERITA HARIAN
MUKA SURAT : 25
RUANGAN : ISU

SFA DAKWA PRODUK AIR MINUMAN DICEMARI BAKTERIA

Kementerian Kesihatan uji sampel air minuman Starfresh

→ SFA arah pengimport tarik balik produk

Oleh Mohd Anwar Patho Rohman
wananwar@bh.com.my

■ Kuala Lumpur

Bahagian Keselamatan dan Kualiti Makanan, Kementerian Kesihatan sedang menyiasat produk air minuman yang dikatakan dihasilkan pengilang tempatan dan didakwa tercemar dengan

bakteria oleh Agensi Makanan Singapura (SFA).

Sumber kementerian berkata, siasatan itu untuk mengenal pasti sejauh mana dakwaan SFA yang produk terbabit mengandungi bakteria 'Pseudomonas aeruginosa'.

Tunggu hasil siasatan

Beliau menegaskan sebarang keputusan sama ada pengeluaran, penjualan dan eksport produk air minuman itu perlu dihentikan atau digantung akan diketahui selepas siasatan terhadap sampel minuman berkenaan selesai.

"Buat masa ini, Bahagian Keselamatan dan Kualiti Makanan sedang membuat ujian dan siasatan terhadap produk minuman ini. Kita tidak tahu

bila keputusan ujian diketahui.

"Apabila hasil ujian diketahui, Ketua Pengarah Kesihatan, Datuk Dr Noor Hisham Abdullah akan mengeluarkan kenyataan rasmi mengenainya," katanya kepada BH, semalam.

Semalam, BERNAMA memuat laporan agensi berita Vietnam (VNA), bahawa SFA mengarahkan produk air minuman jenama Starfresh ditarik balik daripada pasaran selepas bakteria ditemui dalam sampel produk itu.

SFA mengatakan bahawa bakteria 'Pseudomonas aeruginosa' dikesan dalam sampel produk itu, yang diimport dari Malaysia.

Agensi itu turut mengarah-

kan pengimport produk, Eksport Radha, memarik balik semua produk terbabit.

Produk yang ditarik balik ialah air minuman 1.5 liter (tarikh luput 13 Mei 2021) dan minuman 500ml (tarikh luput 11 Mei 2021).

'Pseudomonas aeruginosa' adalah bakteria yang didapati dalam najis, tanah, air dan sisa kumbahan.

SFA mengatakan bahawa penggunaan produk yang tercemar dengan bakteria itu boleh menyebabkan pelbagai jangkitan, namun ia jarang mengakibatkan penyakit serius terhadap individu sihat.

Pengguna yang sudah membeli produk berkenaan dimasihkan untuk tidak menggunakaninya.

AKHBAR : HARIAN METRO

MUKA SURAT : 3

RUANGAN : SETEMPAT

Kuala Lumpur

400 parkir alternatif Hospital Serdang

Hospital Serdang menyediakan 400 tempat letak kereta (TLK) alternatif di MAEPS. Serdang bagi menampung kesesakan parkir di hospital berkenaan sejak 18 September tahun lalu.

Pada masa sama, pihak hospital menyediakan perkhidmatan bas *shuttle* secara percuma untuk orang ramai yang mendapatkan rawatan dan mengunjungi pesakit.

Hospital Serdang dalam satu kenyataan media berkata, pihaknya menyedari kesulitan dialami pesakit, waris, petugas hospital dan pengunjung untuk meletak kenderaan di hospital itu.

Menurutnya, berdasarkan pemerhatian, tempat meletak kereta pelawat hanya mulai dipenuhi bderaan jam 6 pagi.

Masalah (kesesakan) parkir ini cuba diatasi dengan kerjasama MARDI MAEPS Sdn Bhd yang

“

Masalah (kesesakan) parkir ini cuba diatasi dengan kerjasama MARDI MAEPS Sdn Bhd”

Jurucakap

menyediakan kemudahan TLK alternatif bagi Hospital Serdang di MAEPS.

“Waktu operasi TLK dilaksanakan setiap hari bekerja (Isnin hingga Jumaat) bermula jam 6 pagi hingga 11 malam.

“Justeru, kerjasama orang ramai dipohon untuk merancang dan memilih kaedah pengangkutan yang sesuai untuk ke Hospital Serdang,” katanya.

Katanya, maklumat lanjut berhubung kemudahan TLK alternatif ini boleh didapati melalui laman media sosial Facebook MAEPS Serdang.

AKHBAR : HARIAN METRO**MUKA SURAT : 16****RUANGAN : PRIHATIN****Seremban**

14 dijangkiti wabak ILI terima rawatan

Seramai 14 Orang Asli dan warga asing yang tinggal di rumah kongsi ladang tembikai di Kampung Kendong Baru, Kota Rembau menerima rawatan selepas dijangkiti wabak saluran pernafasan (ILI), semalam.

Pengarah Jabatan Kesihatan Negeri Sembilan (JKNS), Datuk Dr Zainudin Mohd Ali berkata, mereka terdiri sembilan Orang Asli suku Jakun, tiga warga Bangladesh dan dua warga Indonesia berusia tujuh hingga 40 tahun.

Beliau berkata, pada awalnya empat Orang Asli yang mengalami gejala demam, batuk dan selsema mendapatkan rawatan sebelum pihaknya menjalankan saringan di rumah kongsi berkenaan.

"Hasil saringan dilakukan mendapati jumlah sebenar mengalami gejala itu ialah 14 orang.

"Lima daripada mereka dimasukkan ke Hospital Tampin untuk rawatan lanjut manakala sembilan pesakit menerima rawatan sebagai pesakit luar," katanya dalam kenyataan di sini, semalam.

Zainudin berkata, semua pesakit stabil dan tiada kematian dilaporkan.

Selain itu, Dr Zainudin berkata, siasatan mendapati Orang Asli terbabit dibawa masuk dari Kampung Tanjung Kelapa, Pekan, Pahang pada 5 Jun lalu untuk bekerja di ladang tembikai berkenaan.

Katanya, rumah kongsi itu dihuni 15 Orang Asli bersama lima warga Bangladesh dan tiga warga Indonesia.

AKHBAR : KOSMO

MUKA SURAT : 6

RUANGAN : NEGARA

52 kes dilapor berlaku babitkan penduduk di Taman Sri Lambak sejak Mei lalu

Denggi ragut satu nyawa di Kluang

JOHOH BAHRU - Sebanyak 52 kes wabak denggi dicatat berlaku di Taman Sri Lambak dekat Kluang mulai 11 Mei lalu dengan satu kematian dilaporkan pada Ahad lepas.

Pengarah Kesihatan Johor, Dr. Selahuddeen Abd. Aziz berkata, wabak itu kebanyakannya berlaku di sekitar taman perumahan di Jalan Yakin dan notifikasi pertama diterima pada 9 Mei lalu.

"Tiga daripada kes itu dimasukkan ke Unit Rawatan Rapi (ICU), Hospital Enche' Besar Hajah Kalsom (HEB-HK) di Kluang dengan satu kematian dilaporkan pada 9 Jun lalu.

"Hasil pemeriksaan Jabatan Kesihatan di kawasan wabak mendapat-



SELAHUDDEEN

punca utama kejadian itu adalah disebabkan pembakaran nyamuk aedes yang tinggi di kawasan tersebut," katanya menerusi satu kenyataan semalam.

Selahuddeen berkata, rumah-rumah kosong yang bersenak saman dan kurangnya kerjasama daripada penduduk semasa anggota kesihatan melakukan aktiviti semburan kabus (*fogging*) merupakan antara faktor penyumbang utama wabak berkenaan.

Beliau menambah, antara faktor lain adalah penjagaan kebersihan persekitaran kedi-mam yang tidak memuaskan dan pembakaran aedes masih ditemui walaupun pemilik sudah dikenakan kompaun sebelum ini.

Katanya, pihak Jabatan Kesihatan sudah melaksanakan pelbagai usaha untuk membanteras penularan demam denggi termasuk melakukan pemeriksaan dan pengha-



KURANG kerjasama daripada penduduk semasa anggota kesihatan melakukan aktiviti semburan kabus merupakan antara faktor penyumbang utama wabak denggi di negara ini. - Gambar hiasan

Kesihatan juga melaksanakan pelbagai usaha untuk membanteras penularan demam denggi termasuk melakukan pemeriksaan dan pengha-

pusan tempat pembakaran (PTP) secara berterusan bermula tarikh notifikasi sehingga kini.

"Satu aktiviti walkabout turut diadakan di Taman

Sri Lambak bagi meninjau keberkesanan aktiviti kawalan pada 10 Jun lalu. "Selain itu, aktiviti Larvaciding, Semburan Ruang Thermal (SRT)

serta Semburan Ultra Low Volume (ULV) di sekitar kawasan wabak dilakukan setiap lima ke tujuh hari dan aktiviti kawalan terus dipergiatkan dengan kerjasama agensi-agensi berkaitan," katanya.

Penguatkuasaan tempat pembakaran turut dilakukan dengan 43 notis dikeluarkan di kawasan Taman Sri Lambak bagi tempoh wabak selain aktiviti peah masuk rumah kosong akan dilaksanakan seberapa segera bersama pihak berkuasa tempatan (PBT).

"Aktiviti gotong-royong bersama komuniti dan agensi berkaitan seperti Kelab Rukun Tetangga (KRT) Yakin Taman Sri Lambak, Ahli Majlis Taman Sri Lambak, The Lions Club, SWCorp dan Majlis Daerah Simpang Renggam juga sudah dilaksanakan pada 18 Mei lalu," katanya. - Bernama

19 kes rabies dicatat di Sarawak

KUCHING - Kementerian Kesihatan (KKM) mengesahkan satu kes baharu rabies membabitkan seorang wanita dari Pending di sini yang meninggal dunia kelmarin sekali gus menjadikan 19 kes di Sarawak se-tak ini.

Ketua Pengarah Kesihatan, Datuk Dr. Noor Hisham Abdullah berkata, wanita berusia 61 tahun itu disahkan dijangkiti rabies melalui ujian makrnl yang dibuat oleh Institut Penyelidikan Perubatan (IMR) kelmarin.

"Dukacita dimaklumkan bahawa beliau meninggal dunia semasa dalam rawatan di wad Hospital Urum Sarawak (HUS) pada 12 Jun 2019 pulak 10.47 malam," katanya dalam satu kenyataan di sini semalam.

Beliau berkata, wanita itu mempunyai sejarah digigit seekor anjing liar di bahagian ibu jari tangan kanan pada 29 April lalu semasa cuba menghalau anjing tersebut.

Mangsa terbaru itu mendapatkan rawatan di HUS pada 8 Jun dan dimasukkan ke Wad Penyakit Berjanggut serta diberikan Rabies immunoglobulin (RIG).

Noor Hisham berkata, kes disahkan rabies dalam kalangan manusia di



ANJING perlu diberi suntikan vaksin antirabies atau anjing gila dalam usaha membendung penularan wabak itu. - Gambar hiasan

Sarawak sejak pengisytiharan wabak pada 1 Julai 2017 sehingga 12 Jun tahun ini adalah 19 kes melibatkan 18 kematian.

Beliau berkata, Jabatan Kesihatan Negeri (JKN) Sarawak telah mengeluarkan peringatan kepada semua pengamal perubatan di negeri ini agar memastikan pengurusan kes gigitan haiwan termasuk anjing dijalankan mengikut Panduan Pengurusan Kes Gigitan Haiwan di Sarawak.

Kes gigitan yang berisiko dan gagal mendapat-

kan rawatan susulan pula hendaklah dimaklumkan segera kepada pejabat kesihatan berhampiran supaya kes boleh dikesan.

"Bagi memastikan langkah-langkah pencegahan dan kawalan jangkitan virus rabies dapat dilaksanakan secara menyeluruh demi mencapai Sarawak bebas rabies, orang ramai diminta sentiasa mematuhi arahan pihak berkuasa dan memberi kerjasama dalam pelaksanaan program kawalan serta pencegahan rabies yang dijalankan," katanya. - Bernama

AKHBAR : KOSMO
MUKA SURAT : 8
RUANGAN : NEGARA

Mayat Orang Asli ditutup tikar mengkuang, usaha bawa keluar sedang dilakukan

Polis jumpa mayat atas pokok

KOTA BHARU — Operasi mencari mayat sekumpulan Orang Asli yang dilaporkan meninggal dunia akibat penyelidik misteri sebelum ditanam secara adat di Kampung Kuala Koh, Gua Musang dekat sini berjaya menemui lapan jasad sejak petang kelmarin.

Empat mayat termasuk satu jasad yang tinggal rangka ditemui pada petang kelmarin, manakala empat lagi kubur baharu ditemui pada petang semalam.

Ketua Polis Kelantan, Datuk Hasanuddin Hassan (gambar kecil) berkata, mayat pertama dipercayai mayat Din Hamdan, 18, ditemui di bawah pokok dalam keadaan tulang berselepas, manakala tiga mayat ditemui ditutup dengan tikar mengkuang di atas pelantar yang dibina di atas pokok setinggi kira-kira tiga meter.

Ujarnya, tiga lagi mayat lain dipercayai milik Safia Papan, 18; Fayah Papan, 19; dan Jais Keladi, 55.



KEADAAN pelantar kayu di atas pokok yang dibina bagi menempatkan mayat Orang Asli ditemui oleh pasukan mencari di sekitar kawasan Kampung Koh, Gua Musang semalam.



KERATAN Kosmo! 12 Jun 2019.

"Jelas beliau, mayat tersebut ditemui oleh pasukan pencari antara pulak 4.30 petang hingga 5.30 petang kelmarin," katanya ketika ditemui di pejabatnya di Ibu Pejabat Polis Kontinen (IPK) di sini semalam.

Jelasnya, mayat tersebut ditemui antara pulak 4.30 petang

hingga 5.30 petang kelmarin.

Tambahnya, mayat-mayat itu ditemui pada kedudukan 600 meter hingga enam kilometer dari kawasan kampung.

"Kita percaya Safia dan Fayah adalah adik-beradik kerana kedudukan mayat yang tidak jauh," jelasnya.

Hasanuddin berkata, pasukan forensik akan membuat pemeriksaan terhadap mayat dan setakat ini pihaknya tidak ketahui keadaan mayat berikut ia ditutup dengan tikar mengkuang.

Sementara itu, Ketua Polis Daerah Gua Musang, Superin-



SEBAHAGIAN daripada penduduk Orang Asli suku kaum Batek yang menerima rawatan perubatan daripada Jabatan Kesihatan Daerah Gua Musang baru-baru ini.

tenden Mohd. Taufik Maidin berkata, operasi hari kedua semalam telah menemui empat lagi mangsa di dalam kawasan Kampung Kuala Koh.

"Setakat ini, lapan kubur telah temui dan kita tandakan dahulu, namun belum dibawa keluar lagi.

"Operasi akan diteruskan esok (hari ini) bagi mengesan empat lagi kubur mangsa yang terletak agak berjauhan. Satu kubur itu memerlukan kita menaiki bot kerana berada di seberang Sungai Lebir," katanya.

Kementerian Kesihatan sebelum ini mengesahkan dua

daripada 14 kematian yang melibatkan Orang Asli suku Batek di Kuala Koh dalam tempoh sebulan lepas berpunca daripada radang paru-paru, namun punca sebenar kematian akan diketahui hanya setelah beberapa ujian yang dilakukan selesai dalam masa terdekat.

Masalah kesihatan yang melanda penempatan Orang Asli Suku Batek itu menyaksikan seramai 99 penduduk dirawat dengan empat daripadanya ditempatkan di Unit Rawatan Rapi (ICU) Hospital Kuala Krai dan Hospital Raja Perempuan Zainab II (HRPZII) di sini.

AKHBAR : SINAR HARIAN
MUKA SURAT : 36
RUANGAN : SETEMPAT

Kes tibi menurun, kusta meningkat di Kelantan

MACHANG- Jumlah kes penyakit tuberkulosis atau tibi di Kelantan menunjukkan penurunan sebanyak 9.8 peratus dengan merekodkan 1,172 kes pada 2018 berbanding 1,300 kes pada 2017.

Timbalan Pengarah Kesihatan Kelantan (Kesihatan Awam), Dr Abdul Haris Muhamad berkata, dalam masa yang sama sebanyak 89.8 peratus pesakit tibi telah sembuh dan sempurna menjalani rawatan pada 2018 berbanding 83 peratus pada 2017.

Namun, katanya, berbeza dengan kes penyakit kusta apabila merekodkan peningkatan daripada tujuh kes pada 2017 kepada 12 kes pada 2018.

"Pengesanan dan rawatan awal sangat penting bagi mengawal penularan penyakit tibi dan kusta dalam kalangan masyarakat.

"Ia juga memerlukan kerjasama semua pihak



bagi memupuk kesedaran tentang penyakit tersebut serta menggerakkan sokongan bagi mengesan serta merawat penyakit di peringkat awal.

"Pesakit-pesakit tibi dan kusta memerlukan sokongan keluarga dan masyarakat untuk terus mendapatkan rawatan dan

dalam masa yang sama membuat pandangan-pandangan negatif terhadap mereka," katanya,

Beliau berkata demikian ketika membacakan teks Pengarah Jabatan Kesihatan Kelantan, Dr Zaini Husin bagi merasmikan Sambutan Hari Tibi dan Kusta Sedunia Peringkat Negeri

Kelantan 2019 dan Ambo Nak Sihat Sokmo Peringkat Daerah Machang 2019 di Masjid Pangkal Meleret di sini semalam.

Turut hadir Ketua Penolong Pengarah Kanan, Unit Tibi dan Leprosi, Jabatan Kesihatan Negeri Kelantan, Dr Junaidi Djoharnis dan Pakar Perubatan Keluarga, Pejabat Kesihatan Daerah Machang, Dr Nik Suhaila Zakaria.

Pelbagai acara menarik diadakan pada sambutan yang bertemakan "Inilah Masanya : Kesan, Rawat dan Pastikan Sembuh Tibi/Kusta" tersebut termasuk kayuhan basikal, aktiviti berjalan kaki 10,000 lang-

kah dan forum bertajuk, Cakna Tibi dan Kusta, Cegah Sebelum Parah.

Dr Abdul Haris berkata, pesakit tibi memerlukan rawatan sekurang-kurangnya enam bulan manakala penyakit kusta bergantung kepada jenis penyakit iaitu selama enam bulan sehingga 18 bulan.

"Tempoh rawatan yang lama ini menyebabkan segelintir pesakit gagal menghabiskan rawatan dan boleh merebakkan semula penyakit kepada masyarakat.

"Sebanyak 1.5 peratus pesakit tibi direkodkan gagal mengikuti rawatan sebagaimana yang ditetapkan," katanya.

Katanya, tibi muncul sebagai pembunuh utama dalam kategori penyakit berjangkit, lebih tinggi daripada denggi, HIV, kencing tikus dan malaria.

AKHBAR : SINAR HARIAN**MUKA SURAT : 3****RUANGAN : KEMATIAN MISTERI DI GUA MUSANG**

Dua beranak yang dilaporkan kritikal kini beransur pulih

KOTA BHARU - Keadaan seorang kanak-kanak orang asli Kuala Koh, Gua Musang yang kritikal akibat radang paru-paru dilaporkan stabil selepas dirawat di Hospital Raja Perempuan Zainab II (HRPZ II) di sini sejak Ahad lalu.

Nasri Rosli, 3, sebelum ini tenat menyebabkan dia dihantar ke Hospital Kuala Krai (HKK), bagaimanapun kesnya dirujuk HRPZ II.

Menteri di Jabatan Perdana, Senator P Waytha Moorthy berkata, bapa kanak-kanak itu, Rosli Jong, 30, yang turut dirawat di hospital sama menunjukkan tanda-tanda pulih dan

mungkin dibenarkan keluar wad beberapa hari lagi.

Menurutnya, Rosli dimasukkan ke bilik pengasingan wad 10 HRPZ II lima hari lalu selepas menunjukkan simptom yang sama ketika menjaga anaknya itu.

"Kanak-kanak itu tenat tapi stabil. Saya puas hati dengan rawatan rapi diberikan hospital, malah saya kagum dengan komitmen kakitangan hospital terhadap pesakit," katanya pada ketika melawat dua pesakit berkenaan di HRPZ II di sini semalam.

Hadir sama, Pengarah HRPZ II, Datuk Dr Selasawati



Waytha Moorthy (kanan) semalam menziarahi Rosli yang menerima rawatan di HRPZ II di Kota Bharu sejak Ahad lalu.

Ghazali.

Setakat semalam, sebanyak 13 kematian melibatkan orang

asli Bateq di Kuala Koh dilaporkan berlaku sejak 2 Mei hingga 7 Jun lalu.

AKHBAR : UTUSAN MALAYSIA
MUKA SURAT : 44
RUANGAN : DALAM NEGERI

Kes terbaru rabies di Sarawak

PUTRAJAYA 13 Jun - Kementerian Kesihatan memaklumkan terdapat seorang wanita yang baru sahaja meninggal dunia selepas disahkan dijangkiti rabies di Pending, Kuching, Sarawak semalam.

Ketua Pengarah Kesihatan, Datuk Dr. Noor Hisham Abdullah berkata, mangsa berumur 61 tahun itu telah disahkan dijangkiti rabies melalui ujian makmal oleh Institut Penyelidikan Perubatan (IMR).

"Dukacita dimaklumkan beliau telah meninggal dunia semasa dalam rawatan di wad Hospital Umum Sarawak (HUS) semalam pada pukul 10.47 malam," katanya dalam kenyataan di sini hari ini.

Menurut Noor Hisham, mangsa mempunyai rekod digigit oleh seekor anjing liar di bahagian ibu jari tangan kanannya pada 29 April lalu.



NOOR HISHAM ABDULLAH

Katanya lagi, ia berlaku semasa mangsa cuba menghalau anjing tersebut yang sentiasa menyalak kepadanya.

"Mangsa kemudian mencuci luka tersebut selama lima minit dan terus mendapatkan rawatan di sebuah klinik komuniti berhampiran rumahnya dan diberi temu janji seminggu kemudian.

"Walau bagaimanapun, mangsa tidak mendapatkan rawatan susulan seperti yang ditetapkan kerana berpendapat bahawa luka pada jarinya telah sembah," katanya.

Tambah Noor Hisham, pada 6 Jun lalu, mangsa mula mengalami sakit dan rasa tidak selesa di bahagian lengan tangan kanannya.

"Mangsa selepas itu mendapatkan rawatan di HUS dan telah dimasukkan ke Wad Penyakit Berjangkit serta diberi-

kan Rabies Immunoglobulin (RIG)," katanya.

Ujar Noor Hisham lagi, mangsa kemudian mengadu loya, pening, susah menelan, sakit kepala, kesukaran untuk menelan air atau hydrophobia dan tidak selesa di bahagian lengan tangan kanan serta lemah di bahagian bawah badan.

Beliau menambah, dengan pengesahan itu, kes disahkan rabies dalam kalangan manusia di Sarawak semenjak pengisytiharan wabak pada 1 Julai 2017 sehingga semalam adalah 19 kes termasuk 18 kematian.

"Dari pada 19 kes tersebut, tiga kes dilaporkan pada tahun ini.

"Pihak Jabatan Kesihatan Negeri (JKN) Sarawak telah mengeluarkan peringatan kepada semua pengamal perubatan di negeri itu agar memastikan pengurusan kes gigitan haiwan termasuk anjing dijalankan mengikut Panduan Pengurusan Kes Gigitan Haiwan," ujar beliau.

AKHBAR : THE SUN**MUKA SURAT : 5****RUANGAN : NEWS WITHOUT BORDERS**

Woman dies of rabies in Sarawak

KUCHING: The Ministry of Health yesterday confirmed a new rabies case in Sarawak involving a 61-year-old woman from Pending, who died on Wednesday, bringing the number of cases in the state to 19.

Health Director-General Datuk Dr Noor Hisham Abdullah said the woman was confirmed to be infected with rabies following a lab test by the Institute for Medical Research on Wednesday.

The victim died while undergoing treatment at Sarawak General Hospital (HUS)

for rabies."

Noor Hisham said the woman was bitten on her right thumb by a stray dog on April 29.

The victim sought treatment at HUS on June 8 and was placed at the Contagious Disease Ward and treated for rabies.

The epidemic was declared on July 1, 2017. Of the 19 cases, 18 have been fatal.

Noor Hisham said the Sarawak Health Department had issued a reminder to all medical practitioners to ensure that animal-bite cases, especially dogs, adhere to

the Animal Bite Case Management Guideline.

He said suspected rabies cases should be immediately relayed to the nearest health office to facilitate detection.

"To ensure overall effectiveness of the rabies virus infection control and prevention measures and to make Sarawak rabies-free, the public should follow the directives of the authorities and cooperate in the implementation of the control and prevention programme," he added. - Bernama